



Broj: 02-1-38-13096-2/18
Zenica, 12.10.2018. godine

02-1-38-13096-2/18

ZENIČKO-DOBOJSKI KANTON
SKUPŠTINA KANTONA
N/R PREDSDJEDAVAJUĆEG SKUPŠTINE

SKUPŠTINA ZENIČKO - DOBOJSKOG KANTONA			
Primljeno:	15.10.2018.		
Org. jet.	Broj	Prilog	Vrijednost
01-	38-	13096-3/18	

PREDMET: Odgovor na poslaničku inicijativu, dostavlja se

U skladu sa članom 199. stav. 2 Poslovnika Skupštine Zeničko-dobojski kanton – Novi prečišćeni tekst (“Službene novine Zeničko-dobojskog kantona”, broj: 7/12 i 12/13), u prilogu Vam dostavljamo odgovor Ministarstva za obrazovanje, nauku, kulturu i sport, na poslaničku inicijativu poslanika u Skupštini Zeničko-dobojskog kantona, gospodina Lemeš Samira, pokrenutu na 64. sjednici Skupštine Zeničko-dobojskog kantona, a u vezi sa uspostavljanjem programa “Škola u bolnici” u bolnicama Ze-do kantona.

S poštovanjem,

Prilog:
- kao u tekstu

Dostavljeno:
 Naslovu,
 a/a.



SECRETAR
PO OVLAŠTENJU

Horis Hrgić



Broj: 10-38-13096-1/18.
Zenica, 13.09.2018. godine

19 -09- 2018

Vlada Zeničko-dobojskog kantona
Stručna služba Vlade

n/r premijera
n/r sekretara

Predmet: Odgovor na poslaničko pitanje, dostavlja se

U skladu sa aktom Stručne službe Skupštine Kantona broj:01-38-13096/18.od 23.08.2018. godine, u kojem je tražen odgovor na poslaničko pitanje, postavljeno na 64. sjednici Skupštine Zeničko-dobojskog kantona, od 17.08.2018. godine, od strane poslanika, Samira Lemeša, a u vezi pokretanja inicijative za uspostavljanje programa *Škola u bolnici* u bolnicama Zeničko-dobojskog kantona, u prilogu Vam dostavljamo odgovor resornog Ministarstva na Vaše dalje postupanje.

S poštovanjem,

DOSTAVLJENO:
2 x Naslovu
2 x a/a, 03-01

MINISTAR
Mensur Sinanović

Na postavljeno poslaničko pitanje i pokretanje inicijative poslanika Samira Lemeša, za uvođenje programa *Škola u bolnici* u bolnicama Zeničko-dobojskog kantona, Ministarstvo za obrazovanje, nauku, kulturu i sport Zeničko-dobojskog kantona, daje sljedeći odgovor:

- U članu 19. Zakona o osnovnoj školi ("Službene novine Zeničko-dobojskog kantona" br.3/18), definisano je kako se pruža podrška učenicima koji se liječe u bolnici, a kako podrška učenicima koji se liječe kod kuće.
- Odredbama iz člana 19. gore navedenog zakona definisano je da se učeniku koji stanuje kod kuće, ali ne može pohađati nastavu u školi zbog teškog oboljenja ili duže bolesti, usluge obrazovanja pruža škola koja je najbliža njegovom mjestu stanovanja uz odgovarajuću pomoć koju obezbjeđuju nastavnici i zaposlenici u školi.
- Za implementaciju odredbi iz člana 19. gore navedenog zakona, koje se odnose na pružanje podrške učenicima koji se liječe u bolnici, Ministarstvo za obrazovanje, nauku, kulturu i sport Zeničko-dobojskog kantona je postupilo u skladu sa članom 117. stav (e), Zakona o osnovnoj školi ("Službene novine Zeničko-dobojskog kantona" br.3/18).

S poštovanjem,

MINISTAR
Mensur Sinanović





Broj: 01-38-13096/18
Zenica, 23.08.2018. godine

03/9
gr
projedlog

- **MINISTARSTVO ZA OBRAZOVANJE, NAUKU, KULTURU I SPORT
ZENIČKO-DOBOJSKOG KANTONA, n/r ministra**
- **PREDAGOŠKI ZAVOD ZENIČKO-DOBOJSKOG KANTONA, n/r
direktora**
- **MINISTARSTVO ZDRAVSTVA ZENIČKO-DOBOJSKOG KANTONA, n/r
ministra**
- **ZAVOD ZDRAVSTVENOG OSIGURANJA ZENIČKO-DOBOJSKOG
KANTONA, n/r direktorice**
- **KANTONALNA BOLNICA ZENICA, n/r direktora**
- **OPĆA BOLNICA TEŠANJ, n/r direktora**

PREDMET: Odgovor na poslaničku inicijativu, traži se

Na 64. sjednici Skupštine Zeničko-dobojskog kantona održanoj 17.08.2018. godine, poslanik **Samir Lemeš** je u okviru predtačke dnevnog reda: „Postavljanje poslaničkih pitanja i pokretanje inicijativa“, pokrenuo inicijativu za uspostavljanje programa „Škola u bolnici“ u bolnicama Ze-do kantona.

Molimo vas da shodno članu 199. stav 2. Poslovnika Skupštine Zeničko-dobojskog kantona – Novi prečišćeni tekst ("Službene novine Zeničko-dobojskog kantona", broj: 7/12, 12/13 i 10/18), u roku od 15 dana od dana prijema ovog akta, predsjedavajućem Skupštine dostavite odgovor na poslaničku inicijativu, te ukazujemo na nužnost poštivanja ostavljenog roka propisanog Poslovníkom Skupštine za dostavu traženog odgovora.

S poštovanjem!



PRILOZI: izvod iz transkripta sa 64. sjednice Skupštine, u kome je sadržana inicijativa poslanika Lemeša i inicijativa predata u pisanoj formi

Dostavljeno:

- 1x Naslovu
- 1x Vladi Kantona-na znanje
- 1x U predmet / 05-03

SAMIR LEMEŠ

.....Ovako ja imam jednu inicijativu i jedno pitanje.

Poslanička inicijativa koju upućujem zajednički Ministarstvu obrazovanja sa Pedagoškim zavodom, Ministarstvu zdravstva sa Zavodom zdravstvenog osiguranja i bolnicama u Ze-do kantonu. O čemu se radi.

Pokrećem inicijativu za uspostavljanje programa škola u bolnici u bolnicama Ze-do kantona.

Djeca koju njihovo zdravstveno stanje prisiljava da borave u bolnici duže periode vremena 15,30 pa i više dana, nisu u stanju savladati gradivo propisano nastavnim planom i programom tako da po povratku u školske klupe iako iscrpljeni dugim liječenjem moraju uložiti dodatne napore da nadoknade gradivo i sustignu svoje vršnjake, takvim učenicima se često iz sažaljenja gleda kroz prste pa dobiju pozitivne ocjene iz samilosti, a ne zato što su uspješno savladali gradivo. U kasnijem školovanju to se odrazi na slabiji uspjeh jer se gradivo posebno iz temeljnih predmeta poput matematike i maternjeg jezika nadovezuje na prethodno usvojena znanja. Projekat škola u bolnici koji se već uspješno provodi u nekim bolnicama u Hrvatskoj pa čak i u Kantonu Sarajevo, podrazumijeva da se organizuje nastava na bolničkim odjelima tako što se za to angažuje učitelj i razredne i predmetne nastave, učenje se maksimalno prilagođava zdravstvenom, psihofizičkom stanju djece i pri tome se primjenjuju savremene nastavne metode, sredstava i oblici rada. Osmišljavaju se poticajne aktivnosti za učenike kako bi na bolničkim odjelima postigli toplu i vedru atmosferu kao što je obilježavanje prigodnih datuma, rođendanske proslave i pozorišne predstave, kreativne radionice itd., djeca sa malignim bolestima posebno se raduju tim aktivnostima jer im one skreću pažnju s bolesti. Škola u bolnici uvodi se da bi hospitaliziranoj djeci olakšala odvojenost od obitelji i socijalne sredine i umanjila stres od boravka u bolnici, da im omogući kontinuitet u usvajanju nastavnih sadržaja da im dan u bolnici učini zanimljivijim kraćim i sadržajnijim da im omogući što lakšu reintegraciju u matičnu školu nakon povratka iz bolnice, itd., itd., škola u bolnici doprinosi djetetovom samopouzdanju i stvaranju pozitivne slike o sebi. Zakonsko uporište za ovakav projekat već postoji jer u Zakonu o osnovnoj školi Ze-do kantona članom 19. je propisao da učeniku osnovne škole koji se liječi u bolnici, te iz tog razloga ne može pohađati nastavu u školi gdje je registriran, adekvatno prilagođeno obrazovanje će biti pruženo u bolnici odnosno u zdravstvenoj ustanovi. Međutim ta se zakonska odredba koliko ja znam ne primjenjuje niti je donesen propis koji ovo reguliše iako je zakonom rečeno da treba donijeti taj propis. Početkom naredne školske godine Kanton se suočava sa viškom nastavnog kadra zbog smanjenja mlađe populacije nažalost, odličan način za zbrinjavanje tehnološkog viška bili bi ovakvi projekti, stoga podnosim ovu inicijativu prema već nabrojanim institucijama kako bi se eventualno prilagodili propisi koji bi mogli biti smetnja ili prepreka za realizaciju projekta npr., priznavanje ocjena iz bolnice obezbjedila sredstva za finansiranje te izvršila stručno osposobljavanje nastavnog kadra, a realizaciju ovakvog programa. To je inicijativa.....

Samir Lemeš
samostalni poslanik

Poslanička inicijativa

Ovim pokrećem inicijativu za uspostavljanje programa "Škola u bolnici" u bolnicama ZDK

Djeca koju njihovo zdravstveno stanje prisiljava da borave u bolnici duže periode vremena (15, 30 pa i više dana) nisu u stanju savladati gradivo propisano nastavnim planom i programom, tako da po povratku u školske klupe, iako iscrpljeni dugim liječenjem, moraju uložiti dodatne napore kako bi nadoknadili gradivo i sustigli svoje vršnjake. Takvim učenicima se često iz humanih razloga ili iz sažaljenja "gleda kroz prste" pa dobiju pozitivne ocjene iz samilosti, a ne zato što su uspješno savladali gradivo. U kasnijem školovanju to se odrazi na slabiji uspjeh, jer se gradivo, posebno iz temeljnih predmeta poput matematike i maternjeg jezika, nadovezuje na prethodno usvojena znanja.

Projekat "Škola u bolnici" koji se već uspješno provodi u nekim bolnicama u Hrvatskoj i u kantonu Sarajevo, podrazumijeva da se organizuje nastava na bolničkim odjelima, tako što se za to angažuju učitelji razredne i predmetne nastave. Učenje se maksimalno prilagođava zdravstvenom i psihofizičkom stanju djece i pritom se primjenjuju savremene nastavne metode, sredstva i oblici rada. Osmišljavaju se poticajne aktivnosti za učenike, kako bi na bolničkim odjelima postigli toplu i vedru atmosferu (obilježavanje prigodnih datuma, rođendanske proslave, pozorišne predstave, kreativne edukativne muzičke, likovne i literarne radionice i sl.). Djeca s malignim bolestima posebno se raduju tim aktivnostima, jer im one skreću pažnju s bolesti.

Škola u bolnici uvodi se da bi hospitaliziranoj djeci olakšala odvojenost od obitelji i primarne socijalne sredine i umanjila stres od boravka u bolnici, da bi im omogućila kontinuitet u usvajanju nastavnih sadržaja, da bi im dane u bolnici učinila zanimljivijim, kraćim i sadržajnijim, da bi im omogućila što lakšu reintegraciju u matičnu školu nakon povratka iz bolnice, da bi se dijete vratilo u školu bez većih praznina u znanju i da bi omogućila djeci nakon dužeg boravka u bolnici prelazak u viši razred bez dodatnog stresa od polaganja razrednih ispita ili gubitka nastavne godine. Škola u bolnici doprinosi djetetovom samopouzdanju i stvaranju pozitivne slike o sebi. Škola u bolnici doprinosi humanizaciji bolničkog liječenja djece oboljele posebno od malignih bolesti, pružajući im potporu provođenjem školskog programa uz kontinuiranu saradnju s medicinskim osobljem.

Zakonsko uporište za ovakav projekat već postoji, jer je u Zakonu o osnovnoj školi ZDK članom 19 propisano da "Učeniku osnovne škole koji se liječi u bolnici, te iz tog razloga ne može pohađati nastavu u školi gdje je registriran, adekvatno prilagođeno obrazovanje će biti pruženo u bolnici odnosno u zdravstvenoj ustanovi.", međutim, ta se zakonska odredba koliko ja znam ne primjenjuje, niti je donesen propis koji ovo reguliše.

S obzirom da se od školske 2018/2019 godine ZDK suočava s viškom nastavnog kadra zbog smanjenja mlađe populacije, odličan način za zbrinjavanje tehnološkog viška bili bi ovakvi projekti. Stoga podnosim ovu inicijativu prema Ministarstvu obrazovanja, nauke, kulture i sporta, Pedagoškom zavodu ZDK, Ministarstvu zdravstva, Zavodu zdravstvenog osiguranja ZDK i bolnicama u ZDK, kako bi se eventualno prilagodili propisi koji bi bili smetnja ili prepreka za realizaciju programa (npr. priznavanje ocjena iz bolnice), obezbijedila sredstva za finansiranje, te izvršilo stručno osposobljavanje nastavničkog kadra za realizaciju ovakvog programa.

Zenica, 17.8.2018

Poslanik u Skupštini ZDK
Samir Lemeš